

Кузь нэм да бур шуд!

Эжва йывлөн слава

Лидия Николаевна Уляшева

Чужис 1938 вося декабр 11 лунö Удора районса Важгортын. Коми государственной пединститут помалом бöрын уна во вöли Вöльдинса школаын велöдысьöн, директорöн. Бöрийлисны сиктсöветса депутатöн.

Быдтис да велöдис вит челядьöс.

Бур уджысь сетисны РСФСР-лөн народной просвещениеса отличниклысь ним, «Уджывса ветеран» да юбилейной медальяс.

Кувсис 2001 вося ноябр 2 лунö Вöльдинын.



Дарья

Эжва йывса войтырлөн газет

Петö 1929 восянь

Четверг, 2011 вося ноябр 24 лун 141 (10416)-öд №

Мам
сьöлөм
бурасьö
öдйö

(коми шусьöг)

ТÖДÖЙ, МЫЙ ВЫЛЫС

КОЛЬÖМ ВОСЯЫСЬ ЭТША

«Монди СЛПК лесная компаниялөн» районса котыръяс кольöм дас тöлысьöн заптисны 720,7 сюрс кубометр вөр, кольöм вося динö 82 процент.

Медся уна, 308,9 сюрс кубометр (кольöм восяысь неуна уджык), заптис Куломдинса филиалысь Прупт юкөн. Мукöд котыръяс кольöм воын серти вöчисны этшаджык.

ВЕСАЛÖНЫ ТУЙАС

Куломдинса уличаяс лымйысь весалöны «Барс» да «Север» котыръяс.

Куломдинса администрация вöчис наköд сёрнитчöм. «Север» тöждысьö ичöт, а «Барс» - шöр туйяс вöсна. Эм колана техника. Администрациялөн жö тöждөн би сюръяс выльö содгöд öшöдисны 26 лампа, вежлалöны кусöмъясöс.

НЁЛЬ МЕДАЛЬ

Биатлон кузя республикаса ордйысьöмгьяс вылын ыджыд вермöм шедöдисны Тимшерысь Евгений Паршуков да Екатерина Паршукова.

Кык лунöн налы вичмис нель медаль. Екатерина кыкнан лунас вöли медводдзаöн, а Евгений мöдөн. Республикаса спортсменъяс кындзи вöлины Москва да Кирова.

ÖТИ МОРТ ДОЙМАЛІС

Ноябр 20 лунö Сыктывкар-Мылдин туй вылын зурасисны МАЗ да ГАЗ машинаяс.

Мыжаыс «Шевроле Крузон» веськöдлысь, кодi петис воча туй визьö. Öти морт доймаліс.

Асланым да общ. корреспондентгьяс.



РАЙОН ВÖСНА ТÖЖДЛУНÖН

Ноябр 22-öд лунö районса культура керкаын вöчисны «Коми войтыр» районса представительстволөн нель вося уджлы кывкөртöд. Конференция дорö эз колнысь веськöдлөн республикаса Государственной Сöветысь, министерство ясысь да ведомствоясысь, «Монди СЛПК» котырысь кывкутана уджалысьяс. Вöлины Госсöветса председателысь медводдза вежысь В.П. Марков да Госсöветса депутат В.А.Косов, культура министр В.И.Коропов, национальной политика министр вежысь А.А.Лазичкий, видзму овмöсса министр вежысь П.В.Хоробрых, вөр комитетөн веськöдлысь В.М.Осипов, велöдан министр вежысь Н.И.Студиград, архи-

тектура, коммунальной овмöс да строительство кузя министр вежысь Н.М.Сорока, «Монди СЛПК» котырысь вөрөн мөгмөдөм кузя директор М.Н.Журба да чина мукöд йöз - ставыс 20 морт.

Конференция водзын районса йöзс примитисны В.А.Косов, В.И.Коропов, В.М.Осипов, йöзс уджөн мөгмөдан управлениеон веськöдлысь В.А.Тебеньков, социальной совман агентствоон веськöдлысь вежысь М.А.Ганов.

70 делегат пиысь воліс 62 делегат. Конференцияöз гажöдисны Югыдгьягысь «Югыдлань» да «Лебедушка» котыръяс.

Видлалісны вит юалöм. Представительствоон веськöдлысь Н.В.Русинова висьталіс

2008-2011 восяын вöчöм удж йылысь, районса юралысь Д.А.Шатохин тöдмөдис, кызди пöртсисны олөмö 2008 воын конференцияон урчитöмторгьяс да мый вöчисны водзö районсö сөвмөдөм могысь. Бöрийисны 2011-2015 вояс кежлö районса представительствоо выль йöзс, коми йöзлөн дасöд сьезд выльö делегатгьясöс. Сыкөд йитöдын, мый представительствоо пырысьяс пыр жö разöчисны гортаныс, эз вöйыны финн-йöграса олысьяслөн мирса VI-öд конгресс выльö делегатсöс да бöрийыны представительствоон веськöдлысьсöс.

Конференция вылын сёрнитисны В.П.Марков, В.И.Коропов, В.А.Косов, М.Н.Журба, «Комилесбизнес» котырөн

веськöдлысь А.С.Игнатов, Помöсдинса бурдöчанінөн веськöдлысь Л.С.Уляшева, республикаса видз-му овмöс министерстволөн Куломдинса юкөнөн веськöдлысь А.Р.Ярова, «Тимшерлесторг» котырөн веськöдлысь В.И.Линдт, Пузласа да Скөрöдумса школаясысь директоргьяс Е.И.Карманова да Т.Н.Чисталёва, республикаса туй агентствоон веськöдлысьсöс вежысь Ю.П.Лучинин да мукöд.

Конференция примитис резолюция. Уналы сетисны почёт грамотаяс да аттьöалана письмöяс. Паськыдджыка гижöд петас газетлөн локтан номергьясын.

Николай ЛЮТОЕВ.

Снимокгьяс авторлөн.

КОМИ РЕСПУБЛИКАЫН

ЙÖЗÖС ПЫДДИ ПУКТÖМÖН

«Юралысь В.М.Гайзерлөн республикаын олысьяс дорö письмöөн шыöдчöм - тайö йöзс пыдди пунктöм да налы эскöм», - висьталіс кага чужтан Коми республикаса шöринысь главной врач Ольга Лебедева.

«Юралысьлөн шыöдчöм - тайö корöм, чуксалöм: «Вай некод ог кольöй веськöдлөн, öтүв бурмөдам ассыным олөмнымöс, лоам кывкутысь йöзöн». Быдöнлы сетöма право вöйыны мыйкö ассыс оз чукөртчöлөмгьяс вылын, а гортын тырбура мөвпыштöм бöрын. Быдöнлы сетöма позян-

лун кывны ассынымöс Коми республикаос сөвмөдан программа дасгысьöн, гөгөрвоны, мый республикаса правительствокöд эм веськыд йитöд. Миянөс пыдди пунктöны, миянлы эскöны. Тайö эскöмсö колö пöртны олөмö», - тöдчөдис О.Лебедева.

Сылөн чайтöм серти, сөмын аддзыны власьтöс, мый лёкөсь туйяс, мый оз тырмыны челядьлы садгьясын местаяс, абу оланін, лёк медицина, ичöт удждон - оз позь. Став вылас колö сьöм, а сийöс медводз колö корсьны да вöлисти колана ногөн юклыны да видзны делö выльö. Быд мортлы колö медводз босьтчыны ассяныс: мөвпыштны, а мый эськö сийö вермас вöчны, мед олөм вöли бурджыкөн. КОМИИНФОРМ.

24 ноября 2011 года с 11.00 до 13.00 часов Усть-Куломский филиал общественной приемной главы Республики Коми совместно со следственным комитетом РФ по РК проводит личный прием граждан по вопросам деятельности следственного комитета. На вопросы граждан ответит заместитель руководителя следственного управления следственного комитета по РК Максим Сергеевич Скосырев.

Личный прием граждан будет проводиться по адресу: с.Усть-Кулом, ул.Советская, д.48. Можно задать вопрос по телефону: 94-6-08.

Уважаемые жители Усть-Куломского района!

28 ноября 2011г. с 15 часов в здании администрации МР «Усть-Куломский» (ул.Советская, д.37), состоятся публичные слушания по проекту решения Совета МР «Усть-Куломский» «О бюджете муниципального образования муниципального района «Усть-Куломский» на 2012 год и плановый период 2013 и 2014 годов».

Проект решения опубликован в Вестнике Совета и администрации МР «Усть-Куломский», №14 от 18.11.2011 г., и размещен на сайте администрации района.

